



Broj: 04/1-34-~~146~~/26 -2  
Sarajevo, 15.01.2026. godine

16 -01- 2026

**Bosna i Hercegovina**  
**Federacija Bosne i Hercegovine**  
**Kanton Sarajevo**  
**Skupština Kantona Sarajevo**

n/r Admela Hodžić, zastupnica u Skupštini Kantona Sarajevo

PREDMET: Odgovor na Zastupničku inicijativu, dostavlja se  
Veza: Vaš akt od 07.01.2026. godine

Poštovana,

dana 07.01.2026. godine Javna ustanova „Služba za zapošljavanje Kantona Sarajevo“ Sarajevo (u daljem tekstu Služba) je zaprimila Vaš akt u kojem se podnosi inicijativa Vladi Kantona Sarajevo i nadležnim resornim ministarstvima Kantona Sarajevo da se poduzmu sve potrebne mjere i radnje za pokretanje Programa "Javni radovi" za čišćenje snijega, odnosno još jednog projekat na kojim će se preduzeća KJKP "Park" d.o.o. Sarajevo i KJKP "Rad" d.o.o. Sarajevo prijaviti, te kao poslodavci putem Službe za zapošljavanje Kantona Sarajevo zatražiti angažman 200 nezaposlenih u ovim preduzećima na komunalnim poslovima za čišćenje snijega. Shodno traženom, dostavljamo Vam sljedeću informaciju kako slijedi:

Izmjenama Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo od 10.06.2024. godine, između ostalog, kod podsticajne mjere "Javni radovi" došlo je do izmjene člana Zakona, gdje poslodavac, sa nezaposlenom osobom, umjesto angažmana na privremene i povremene poslove, zaključuje ugovor o radu na određeno vrijeme.

U okviru Programa mjera za podsticaj zapošljavanja i održavanja više stope zaposlenosti i poboljšanja strukture zaposlenosti u Kantonu Sarajevo, Služba svake godine izdvaja značajna sredstva za komunalna preduzeća u Kantonu Sarajevo i programe zapošljavanja u komunalnoj privredi. KJKP Rad d.o.o. i KJKP Park d.o.o., trenutno su korisnici prošlogodišnjeg Programa zapošljavanja u komunalnoj privredi, socijalnoj zaštiti, kulturi i sajamskim manifestacijama, po kojem im je zaposleno 48 radnika sa evidencije nezaposlenih Kantona Sarajevo na period od 6 mjeseci. Navedeni program je i dalje u toku.

U cilju realizacije Programa mjera za podsticaj zapošljavanja i održavanja više stope zaposlenosti u Kantonu Sarajevo za 2026. godinu (u daljem tekstu Program mjera), Služba je odmah pokrenula sve aktivnosti u smislu formiranja Radne grupe za izradu Programa mjera za 2026. godinu, gdje će nakon provedenih obaveznih zakonskih procedura planirati kao i do sada nove programe zapošljavanja za komunalna preduzeća.

Kao što je poznato Zakonom o posredovanju u zapošljavanju i socijalnoj sigurnosti nezaposlenih osoba u Kantonu Sarajevo, članom 4. definisano je da Vlada Kantona utvrđuje godišnji Program mjera za podsticaj zapošljavanja i održavanja više stope zaposlenosti i poboljšanja strukture zaposlenosti u Kantonu Sarajevo koje se u Kantonu poduzimaju u cilju provođenja pojedinačnih, konkretnih vidova podsticanja zapošljavanja, te da Vlada Kantona utvrđuje na zajednički prijedlog Ministarstva za rad, socijalnu politiku, raseljena lica i izbjeglice, Ministarstva privrede i Kantonalne službe.

Imajući u vidu vanredne okolnosti, a zbog propisanih procedura, nismo u mogućnosti odmah odrediti niti definisati tačan period objave novih javnih poziva za zapošljavanje, međutim Služba će voditi računa o navedenoj predloženoj mjeri na način da u najprihvatljivijoj i najbržoj proceduri pristupi Izmjenama i dopunama Programa mjera kako bi se objavio Javni poziv a sve u skladu sa propisanim zakonskom regulativom.

U narednom periodu, a nakon provedenih obaveznih zakonskih procedura, planiramo realizovati nove mjere zapošljavanja i na kraći i na duži vremenski period kao i Program zapošljavanja nezaposlenih osoba sa evidencije nezaposlenih u komunalna preduzeća u Kantonu Sarajevo.

S poštovanjem,



**Dostavljeno:**

1. Naslovu
2. Evidenciji,
3. a/a